

बच्चियां ताई बाइबल  
पेस करदी ऐ

यीशु दा  
जन्म



Edward Hughes: दे जरिये लिखियो ऐ।

M. Maillot; Alastair Paterson: दे जरिये बणाई गई।

E. Frischbutter; Sarah S.: दे जरिये अनुकूलित।

Subramani N.: दे जरिये अनुवाद कित्ता।

Bible for Children

[www.M1914.org](http://www.M1914.org): दे जरिये बणाई ऐ।

©2022 Bible for Children, Inc.

लाईसेंस: जाहलू तिकर तुहां इसा जो नी बेचदे हन, ताहलू तिकर तुहां  
जो इसा काहणिया जो कोपी या परिंट करणे दी इज्जाजत ऐ।



बडी पैहल्लै, परमात्मै सुअर्गदूत जिब्राइल  
जो मरियम नांरे दिया इक्क कुआरिया  
यहूदी कुड़िया अल्ल घल्लेया था।  
तिन्हीं तिसा नैं गलाया, “तिज्जो  
इक्क पुत्र हुंगा कने तू तिसदा  
नां यीशु रखैयां। सैह म्हान पुत्र  
कैहलांगा। सैह  
हमेसा तांई  
राज्ज करगा।”



तिन्नें कुडिया हरान होई करी पुछ्या,  
“एह किआं होई सकदा ऐ? में तां कुसी  
भी मर्दे सौगी नीं रेई कने में तां  
अहल्ली कुआरी ऐ।” सुअर्गदूतें  
मरियमा नें गलाया, कि सैह  
बच्चा परमात्मे दिया  
तरफा ते आंगा।  
तिसदा कोई मानस  
पिता नीं हुंगा।



ताहलू सुअर्गदूतें  
मरियमा जो दस्सेया  
कि तेरी चचेरी बैहण  
इलीशिबा जो भी बुढापे  
च इक्क बच्चा पैदा  
होणा ऐ। एह भी इक्क  
चमत्कार था। इसते  
बाद मरियम इलीशिबा  
नँ मिलणा गई। तिन्हां  
दूनीं मिल्ली करी  
परमात्मे दी सतुति  
कित्ती।



मरियमा दी मंगणी  
यूसुफ नांरे दे इक्क  
माणुये नैं होणे आली  
थी। यूसुफ दुखी था  
जाहलू तिसियो पता  
लगगा कि मरियम  
इक्क बच्चे दी माँ  
बणने आली ऐ।  
तिन्हीं सोचेया कि  
इस बच्चे दा कोई  
होर मर्द पिता हुंगा।



सुपने च परमात्मे दे दूतें  
यूसुफे जो गलाया, कि एह  
बच्चा परमात्मे दा पुतर ऐ।  
यूसुफ कने मरियमा जो  
यीशु दी देखभाल करणे च  
मदत करणी थी।



यूसुफ़ै परमात्मे पर बसुआस कित्ता कने तिसदे हुक्मा दा  
पालण कित्ता। तिन्हं अपणे देसे दे कानूनां दा भी पालण  
कित्ता। नौये कानून मताबक,  
यूसुफ़ कने मरियम अपणे  
करा दा भुगतान  
करणे ताई



अपणे ग्रां बैहतलम जो गे।





मरियम दा बच्चे जो  
जन्म दैणे दा बग्त आई  
गेआ था। अपर यूसुफे  
जो कुत्थु भी कमरा नीं  
मिल्ला। कजोकि  
सारियां सराईं  
भरियां थियां।



आखरी च यूसुफे जो इक्क घराल मिल्ली। तित्थु मरियमा  
बच्चे यीशु जो जन्म दिता। तिसिदिया माँऊ तिसियो  
इक्की खुरलिया च रखेया, इक्क  
ऐदेई जगाह जित्थु जानवरां  
जो खाणा रखा  
जांदा था।



तित्थु ते थोड़ी दूर चरवाहे अपणियां भेड्डां दी रखवाली करा  
दे थे। परमात्मे दा दूत प्रकट होएया कने तित्थु तिन्हां  
जो खुसखबरी सणाई। “अज्ज दाऊदे दे

सैहर बैहतलहमे

च तुहां  
ताई इक्क  
मुक्तिदाता  
पैदा

होएया ऐ, जेहड़ा  
प्रभु मसीह ऐ।  
तुहां बच्चे जो

खुरलिया च रखेया दिखगे।”



तिसते बाद, होर भी मते चमकदार सुअर्गदूत प्रगट  
होये, जेहडे परमात्मे दी स्तुति करदे थे कने  
ग्लांदे थे, “परमात्मे दी महिमा कने सांति

धरतिया च  
होयें,

कने माणुआं  
ताई भलाई होयें।”





चरवाहे ताहलू ई जाणे तांई त्यार होई गो।  
बच्चे जो दिखणे ते बाद तिन्हां सबना जो  
दस्सेया कि अहां तित्थु गियो थे जेहडे  
सुअर्गदूतां नै यीशु दे बारे च गलाया था।





चालियां दिनां बाद यूसुफ कने  
मरियम यीशु जो यरूशलेम सैहरे दे  
मन्दरे च लेईं गे। तित्थु इक्क  
शिमोन नांरे दे माणुयें तिस  
बच्चे तांई परमात्मे दी  
स्तुति कित्ती, कने यहोवा

परमात्मे दिया  
दासिया हन्ना  
भी तिसदा  
धन्यावाद  
कित्ता।



दोयो जाणदे थे कि यीशु परमात्मे  
दा पुत्र, कने मुक्तिदाता ऐ। यूसुफें  
परमात्मे जो भेंट करणे ताई  
दो पंछिया दी बलि कित्ती।

परमात्मे नियम-कानून च  
गलाया कि गरीब लोकां  
जो भेंट लैयोणा  
चाइदी, जाहलू  
सैह इक्क  
बच्चे जो  
परमात्मे  
सामणे पेस  
करदे हन।



कुच्छ बगते बाद,  
इक्क तारा इक्क पूर्वी  
देसे ते ज्ञानी लोकां  
जो यरुशलेम सैहरे  
च लेई गोआ।




तिन्हां पुछ्या, “सैह्र यहूदियां  
दा राजा कुत्थु ऐ जेहड़ा पैदा  
होएया ऐ अहां तिसदी भक्ति  
करणा आएयो हन।”





राजा हेरोदेसैं तिन्हां ज्ञानी  
लोकां दे बारे च सुणेया,  
तां हरान होई करी, तिन्हीं  
तिन्हां नैं गलाया कि जाहलू  
तुहां जो यीशु दा पता लग्गी  
जांगा तां तिसदे बारे च  
मिन्जो दस्सा। भिरी हेरोदेसैं  
गलाया, “मैं भी तिसदी  
अराधना करणा चांहदा ऐ,”  
अपर सैह झूठ गला  
दा था। कजोकि  
हेरोदेस यीशु  
जो मारणा  
चांहदा था।



सैह तारा तिन्हां ज्ञानी लोकां जो तिसी घरे  
तिकर लेई गेआ जित्थु मरियम कने यूसुफ  
कने सैह बच्चा रँहदे थे। तित्थु  
पुज्जणे ते बाद तिन्हां तिस बच्चे  
दी अराधना किती कने सोना  
कने खुसबुदार  
चीज्जा  
भेंट कित्तियां।



परमात्मैं तिन्हां ज्ञानी लोकां जो  
पडदे नैं घर वापस जाणे दी  
चतौणी दिती। हेरोदेस गुस्सा  
होएया, यीशु जो खत्म करणे दा  
फैसला लेआ कने तिन्हीं यरूशलेम  
सैहरे दे सारे लोकके जागतां जो  
मारी दिता।



अपर हेरोदेस परमात्मे दे पुतर  
जो कोई नकसान नीं पज्जाई  
सकेया। भिरी सुपने च यूसुफे  
जो चतौणी दिती, कि अपणिया  
होणे आलिआ लाडिया कने इस  
बच्चे जो मिस्र देसे जो  
सम्भाली करी लेई जा।



जाहलू हेरोदेस मरी गेआ  
तां यूसुफ मरियमा कने  
यीशु जो मिस्र देसे ते  
वापस लेई  
आएया।



सैह गलील प्रदेशे दिया झीला  
अल्ल, नासरत सैहरे च रँहदे थे।



# यीशु दा जन्म

परमात्मे दा वचन, बाइबला दी इक्की काहणिया

च पाण्या जांदा ऐ

मत्ती 1-2, लूका 1-2

"तेरे वचनां दी समझ मिन्जो जोती दिंदी ऐ।"


भजन 119:130



आखरी



36



60



बाइबला दी एह काहणी अहां जो अहां दे  
अनोखे परमात्मे दे बारे च दस्सदी ऐ जिन्हीं अहां जो  
बणाया ऐ कने जेहड़ा सैह चांहदा ऐ कि अहां तिसियो जाणी पान।

परमात्मा जाणदा ऐ कि अहां बुरे कम्म कित्तयो हन जिसियो सैह पाप ग्लांदा  
ऐ। पाप दी सजा मौत ऐ, अपर परमात्मैं अहां नैं इतणा प्यार कित्ता ऐ कि  
तिन्हीं अपणे इक्कलौते पुत्र, यीशु जो सूत्रिया पर मरणे तांई घल्लेया। तांजे  
अहां अपणे पापां दिया सजा ते बची सकन। ताहलू यीशु दोबारा जिन्दा होएया  
कने सुअर्गे जो चली गेआ। जे तुहां यीशु पर बसुआस करदे हन कने अपणे  
पापां ते पश्चाताप करदे हन, तां सैह इआ करगा जाहलू सैह वापस आंगा कने  
तुहां सौगी रेंहगा, कने तुहां तिस सौगी सदा तांई जिन्दे रेंहगे।

मेरे प्यारे यीशु, मिन्जो बसुआस ऐ कि तुहां परमात्मा हन, कने मेरे  
पापां तांई तुहां माणु बणी करी अपणे प्राण देई दित्ते, कने हुण भी तुहां  
जिन्दे परमात्मा हन। करिपा करी नैं तुहां मेरिया जिन्दगिया च ओआ कने  
मेरे पापां जो माफ करा, तांजे मैं हुण नौई जिन्दगी पाई सकैं, कने हर दिन  
मैं तुहां सौगी रेंह। तुहां अपणे हुक्मां जो मनणे तांई मेरी मदत करा  
कने मैं अपनी जिन्दगी तुहां सौगी जी सकैं। अमीन।

हर रोज बाइबल पढ़ा कने परमात्मे नैं गल्लां करा। यूहन्ना 3:16

